

SAMÞYKKT

um breytingu á samþykkt um stjórn Stykkishólmsbæjar nr. 731/2013.

1. gr.

12. gr. samþykktarinnar breytist og verður svohljóðandi:

Fundir bæjarstjórnar eru opnir, en heimilt er að ákveða að einstök mál skuli rædd fyrir luktum dyrum þegar það telst nauðsynlegt vegna eðlis máls. Forseti bæjarstjórnar eða bæjarstjórn getur jafnframt ákveðið að ræða fyrir luktum dyrum tillögu um lokun fundar.

Þrátt fyrir að fundi sé lokað er heimilt að ákveða að tilteknir starfsmenn sveitarfélagsins séu viðstaddir.

Heimilt er að taka upp og senda út frá fundum bæjarstjórnar sem eru opnir. Slíkar upptökur skulu varðveittar á skrifstofu bæjarfélagsins og vera aðgengilegar á vefsíðu þess innan tveggja sólarhringa.

2. gr.

47. gr. samþykktarinnar breytist og verður svohljóðandi:

Bæjarstjórn kýs, skipar eða tilnefnir, eftir því sem við á, fulltrúa í eftirtaldar nefndir, ráð og stjórnir:

A. Til eins árs. Á fundi í júní ár hvert:

1. *Bæjarráð*. Bæjarstjórn kýs þrjá bæjarfulltrúa og þrjá til vara í bæjarráð skv. 35. gr. sveitarstjórnarlaga nr. 138/2011 og 26. gr. samþykktar þessarar. Eingöngu bæjarfulltrúar eru kjörgengir í bæjarráð sem aðalmenn og varamenn sbr. 36. gr. sveitarstjórnarlaga. Auk þeirra fulltrúa sem ná kjöri eiga þeir listar sem ekki fá kjörinn fulltrúa í bæjarráð rétt á að tilnefna einn bæjarfulltrúa hver sem áheyrnarfulltrúa og skal hann hafa málfrelsi og tillögurétt.
2. *Samtök sveitarfélaga á Vesturlandi*. Bæjarstjórn kýs þrjá fulltrúa og jafnmarga til vara á aðalfund Samtaka sveitarfélaga á Vesturlandi samkvæmt lögum samtakanna.
3. *Ungmennaráð*. Ráðið er skipað sjö fulltrúum á aldrinum 14-24 ára og þremur til vara að fengnum tillögum frá nemendafélagi grunnskólans í Stykkishólmi, nemendafélagi Fjölbrautaskóla Snæfellinga, ungmennafélaginu Snæfelli og æskulýðs- og íþróttanefnd sbr. erindisbréf ungmennaráðs. Ráðið fer með æskulýðsstarf samkvæmt 11. gr. æskulýðslaga nr. 70/2007. Ráðið starfar samkvæmt erindisbréfi.

B. Nefndir til fjögurra ára. Á fyrsta eða öðrum fundi að afloknum bæjarstjórnarkosningum:

1. *Atvinnu- og nýsköpunarnefnd*. Bæjarstjórn kýs fimm fulltrúa og jafnmarga til vara. Nefndin starfar samkvæmt erindisbréfi.
2. *Safna- og menningarmálanefnd*. Bæjarstjórn kýs fimm fulltrúa og jafnmarga til vara. Nefndin fer með málefni safna sem rekin eru á vegum Stykkishólmsbæjar. Nefndin starfar samkvæmt erindisbréfi.
3. *Skipulags- og byggingarnefnd*. Bæjarstjórn kýs fimm fulltrúa og jafnmarga til vara skv. 6. gr. skipulagslaga nr. 123/2010 og skv. 7. gr. laga um mannvirki nr. 160/2010. Auk þess fer nefndin með umferðarmál samkvæmt lögum nr. 50/1987. Nefndin starfar samkvæmt erindisbréfi.
4. *Skóla- og fræðslunefnd*. Bæjarstjórn kýs fimm fulltrúa og jafnmarga til vara skv. 6. gr. laga um grunnskóla nr. 91/2008 og skv. 4. gr. laga um leikskóla nr. 90/2008. Nefndin fer með málefni leikskóla og grunnskóla Stykkishólms. Nefndin fer einnig með málefni tónlistarskóla Stykkishólms skv. 2. gr. laga um fjárhagslegan stuðning við tónlistarskóla nr. 75/1985 og málefni heilsdagsskóla. Þá fer nefndin auk þess með málefni Amtsbókasafnsins í Stykkishólmi skv. 8. gr. bókasafnalaga nr. 150/2012. Nefndin starfar samkvæmt erindisbréfi.
5. *Umhverfis- og náttúruverndarnefnd*. Bæjarstjórn kýs þrjá fulltrúa og jafnmarga til vara. Nefndin fer með náttúruverndarmál skv. 14. gr. laga um náttúruvernd nr. 60/2013. Nefndin starfar samkvæmt erindisbréfi.
6. *Velferðar- og jafnréttismálanefnd*. Bæjarstjórn kýs fimm fulltrúa og jafnmarga til vara. Nefndin fer með jafnréttismál skv. lögum um jafna stöðu og jafnan rétt kvenna og karla nr. 10/2008. Nefndin fer einnig með málefni fatlaðs fólks skv. lögum um málefni fatlaðs fólks með lang-

varandi stuðningsþarfir nr. 38/2018 og með málefni er heyra undir lög um félagsþjónustu sveitarfélaga nr. 40/1991. Nefndin starfar samkvæmt erindisbréfi.

7. *Æskulýðs- og íþróttanefnd*. Bæjarstjórn kýs fimm fulltrúa og jafnmarga til vara. Nefndin fer með íþrótt- og æskulýðsmál. Nefndin starfar samkvæmt erindisbréfi.

C. Stjórnir til fjögurra ára.

1. *Hafnastjórn*. Bæjarstjórn kýs fimm fulltrúa og jafnmarga til vara skv. 10. gr. hafnalaga nr. 61/2003. Stjórnin fer með málefni Stykkishólmshafna. Stjórnin starfar samkvæmt erindisbréfi.
2. *Kjörstjórn*. Bæjarstjórn kýs þrjá fulltrúa og jafnmarga til vara skv. 15. gr. laga um kosningar til Alþingis nr. 24/2000 og 14. gr. laga um kosningar til sveitarstjórna nr. 5/1998. Kjörstjórn kýs sér formann og ritara úr sínum hópi. Kjörstjórnir fara með þau verkefni sem þeim eru falin samkvæmt ákvæðum laga um kosningar til sveitarstjórna og laga um kosningar til Alþingis. Stjórnin starfar samkvæmt lögum.
3. *Stjórn lista- og menningarsjóðs*. Bæjarstjórn kýs tvo fulltrúa auk forseta bæjarstjórnar sem er formaður stjórnar samkvæmt skipulagsskrá sjóðsins. Stjórnin starfar samkvæmt reglum um lista- og menningarsjóð Stykkishólmsbæjar.
4. *Stjórn Dvalarheimilis aldraðra í Stykkishólmi*. Bæjarstjórn kýs þrjá fulltrúa og jafnmarga til vara. Stjórnin starfar samkvæmt erindisbréfi.

D. Fulltrúar í aðrar stjórnir, ráð og nefndir til fjögurra ára.

1. *Félags- og skólaþjónusta Snæfellinga (FSS)*.
 - a. Bæjarstjórn tilnefnir einn fulltrúa og annan til vara í stjórn byggðasamlags um rekstur félags- og skólaþjónustu Snæfellinga.
 - b. Bæjarstjórn kýs tvo fulltrúa og tvo til vara í félagsmála- og barnaverndarnefnd FSS.
2. *Fulltrúaráð Byggðasamlags Snæfellinga bs.* Aðalfulltrúar í bæjarstjórn skipa fulltrúaráð Byggðasamlags Snæfellinga bs.
3. *Fulltrúaráð Eignarhaldsfélags Brunabótafélags Íslands*. Ári eftir reglulegar sveitarstjórnarkosningar skal bæjarstjórn tilnefna einn aðalmann og annan til vara í fulltrúaráð skv. 9. gr. laga um Eignarhaldsfélagið Brunabótafélag Íslands nr. 68/1994.
4. *Fulltrúaráð Svæðisgarðs Snæfellsness*. Bæjarstjórn tilnefnir tvo fulltrúa í fulltrúaráð Svæðisgarðsins og jafnmarga til vara.
5. *Landsþing Sambands íslenskra sveitarfélaga*. Bæjarstjórn kýs fulltrúa á landsþing samkvæmt lögum sambandsins.
6. *Stjórn Jeratúns ehf.* Bæjarstjórn tilnefnir einn fulltrúa í stjórn Jeratúns ehf. skv. samþykktum félagsins.
7. *Stjórn Náttúrustofu Vesturlands*. Bæjarstjórn skipar, samkvæmt 12. gr. laga um Náttúrufræðistofnun Íslands og náttúrustofur nr. 60/1992, með síðari breytingum, þrjá fulltrúa í stjórn, skal einn þeirra vera formaður, og jafnmarga til vara.
8. *Svæðisskipulagsnefnd sveitarfélaganna á Snæfellsnesi*. Bæjarstjórn skipar tvo fulltrúa í nefndina og jafnmarga til vara.
9. *Óldungaráð*. Bæjarstjórn kýs þrjá fulltrúa í ráðið og jafnmarga til vara skv. 2. mgr. 38. gr. laga um félagsþjónustu sveitarfélaga nr. 40/1991, með hliðsjón af 8. gr. laga um málefni aldraðra nr. 125/1999, sbr. og 19. gr. laga nr. 37/2018. Ráðið starfar samkvæmt erindisbréfi.

E. Verkefnabundnar nefndir.

Bæjarstjórn getur kosið nefndir til að vinna að einstökum afmörkuðum verkefnum. Umboð slíkra nefnda fellur niður við lok kjörtímabils bæjarstjórnar og fyrr ef verkefni nefndar er lokið. Bæjarstjórn getur einnig afturkallað umboð slíkra nefnda hvenær sem er.

3. gr.

50. gr. samþykktarinnar breytist og verður svohljóðandi:

Bæjarstjórn ræður starfsmenn í ædstu stjórnunarstöður hjá Stykkishólmsbæ og veitir þeim lausn frá starfi. Skilgreining á hvaða störf falla undir ædstu stjórnunarstöður er í verklagsreglum um ráðningarmál og skipuriti bæjarins sem bæjarstjórn samþykkir.

4. gr.

Samþykkt þessi sem bæjarstjórn Stykkishólmsbæjar hefur sett, samkvæmt ákvæðum 9. gr. og 18. gr. sveitarstjórnarlaga nr. 138/2011, staðfestist hér með til að öðlast þegar gildi.

Samgöngu- og sveitarstjórnarráðuneytinu, 8. janúar 2019.

F. h. r.

Hermann Sæmundsson.

Stefanía Traustadóttir.

B-deild – Útgáfud.: 23. janúar 2019